

Sezione Lirica

TG

di Franco Pongeggi - Bagnacavallo
Secondo classificato

Incora un'êtra strage d'inuzënt:
un càmio l'à sfundê la pruteziōn
e in zōna pedunêla, stra la zënt,
l'à avù l'efët dla pala d'un canōn.

Purtröp l'ariva adës un ducumënt
dl'afundamënt in mër d'un êt' gumōn,
stracarg cun dal zantnéra e piò d migrënt:
incóra u-n s sa s'l'è sêlv un cvelcadōn.

La gvëra in Siria e Iraq la n'è finida,
ormai sënz'acva u j'è disperaziōn,
u-s véd la zént pr'al strê ch' la va şmarida.

Par tot l'è fësta e grān sudisfaziōn:
ajir l'à vënt l'Italia la partida
che adës la va in finêla di campiōn.

TG Ancora un'altra strage di innocenti: / un camion
ha sfondato la protezione / e in zona pedonale, tra la
gente, / ha avuto l'effetto della palla di un cannone.
// Purtroppo arriva adesso un documento / dell'af-
fondamento in mare di un altro gommone / stracarico
con centinaia e più di migranti: / ancora non si sa se
è salvo qualcuno. // La guerra in Siria e Iraq non è
finita, / ormai senz'acqua c'è disperazione, / si vede
la gente per le strade che va smarrita. // Per tutti è
festa e gran soddisfazione: / ieri ha vinto l'Italia la
partita / che adesso va in finale dei campioni!

